

JEZIČKE KARAKTERISTIKE GLOSA U BOSANSKOM JEVANDELJU IZ SREĆKOVIĆEVE ZAOSTAVŠTINE

Herta KUNA, Sarajevo

O Srećkovićevom jevandelju malo je pisano, a kako je ono danas izgubljeno, o njegovim karakteristikama može se govoriti, uglavnom, na temelju onoga što je objavio Speranski u 24. br. Archiv für slavische Philologie, Berlin, 1902, str. 172—182.¹ Istina, od jevandelta su se, izgleda, sačuvala dva lista u Muzeju starina u Tveru (SSSR), barem su se tamo nalazila kad je Speranski pisao svoj članak, ali nama je do sada bilo nemoguće da dođemo do njih.

Speranski je u cjelini objavio glose koje su ispisane na marginama Srećkovićevog jevandelta i koje su iz kasnijeg vremena nego tekst samog jevandelta. To je njegova velika zasluga, s obzirom da ove glose predstavljaju svojevrsni raritet u srednjovjekovnoj bosanskoj književnosti. Osim njih, u istom članku Speranski je objavio i varijante dvaju odlomaka Srećkovićevog jevandelta prema Nikolskom, i to: Mat. XXVII, 1—66 (F.12^b—16^b), te Mar. I, 5—39 (F. 19—20), iz kojih se, istina, vidi da i ovo jevadelje u bitnijem ne odstupa po svojim jezičkim i grafijskim osobinama od ostalih bosanskih jevandelta, ali je na temelju njih ipak nemoguće izvršiti detaljniju analizu jezika samog jevandelta.

¹ Na istom mjestu Speranski citira još dva rada u kojima se spominje ovo jevadelje, dok svi ostali pomeni baziraju na ovim saopštenjima (v. Zametki o rukopisjahu belogradskih i sofijskoj biblioteku, Moskva 1890, str. 86, te recenzija na rad A. Voskresenskog: 39. Preiszuerkennung der Uvarov'schen Prämie, str. 60). Glosama se posebno opširno pozabavio Solovjev (v. A. Solovjev, Vjersko učenje bosanske crkve, pos. ot. iz 270. knjige Rada JAZU, Zagreb 1948, str. 20—26).

U vrijeme kad je o njemu pisao Speranski rukopis je imao ukupno 186 l., uračunavajući i dva iz Tvera, a po njegovom mišljenju pisan je u XIV v., dok su glose iz XV—XVI v. Zna se, takođe, da je cio rukopis na pergameni, kao i da je kasnija ruka ispisala sinoptička mjesta na marginama, a crvenim iznad redova i naslove glava, sudeći bar po onome što donosi Speranski, mada on ove naslove smatra počecima lekcija, iako i sam kasnije kaže da se isti brojevi koji stoje uz svaki od naslova nalaze redovno u bosanskim jevandeljima na početku jevandelja kao popis glava. Uostalom, takav se jedan popis glava sačuvao i u ovom kodeksu ispred jevandelja po Marku. Zanimljivo je, međutim, što Speranski tvrdi da je ista ruka koja je pisala ove naslove glava u tekstu i sinoptička mjesta ispisala i početke lekcija, onakve kakvi su predviđeni za crkvenu službu, te marginalne glose, i to cijelo stoljeće kasnije, što bi predstavljalo svojevrsnu osobitost u bosanskim tekstovima.²

Iako je Speranski dao nešto podataka o rukopisu (da je formata male četvrtine, da je pisan uskim bosanskim poluustavom, kako on kaže uskom uncijalom), nemamo bližeg opisa paleografskih osobina rukopisa, kao ni glosa, ali je zato vjerno odslikao sve ortografske i grafijske osobine, tako da je moguće uporediti glose s rukopisom jevandelja. Kodeks nije bio potpun, ni u vrijeme kad ga je opisao Speranski, tako da nije isključeno da je i marginalnih glosa bilo više. Ipak i ono što je sačuvano i što je Speranski vjerno objavio zaslužuje punu pažnju, jer iako, općenito govoreći, marginalije različite vrste nisu rijetke u bosanskim kodeksima,³ ove po svojoj relativnoj sustavnosti predstavljaju ne samo posebnu pojavu bosanske srednjovjekovne književnosti nego po svome karakteru navode na pomisao da je mogla postojati i cijela književna vrsta

² I u drugim bosanskim tekstovima ima naknadnih prepravki i dopuna za liturgijsku službu, naročito dopisivanja početaka lekcija (v. Šidak, J., Kopitarovo bosansko evangelje u sklopu pitanja »crkve bosanske«, Slovo 4—5, Zagreb, 1955, str. 51—52, Grickat, I., Divoševje jevandelje, Južnoslovenski filolog 25, Beograd, 1961/62, str. 238, 241—242), ali su, po pravilu, sinoptička mjesta i naslovi glava iz istog doba iz koga i jevandelje, dok je prilagođivanje crkvenoj službi mahom nastalo istom kada se kodeks našao u pravoslavnom manastiru.

³ Up. Grickat, I., o. c., str. 251, Šidak, J., Bosanski rukopisi u Gosudarstvennoj pubičnoj biblioteci u Lenjingradu, Slovo 17, Zagreb, 1967, str. 114, Rački, F., Prilozi za povijest bosanskih patarena, Starine 1, Zagreb, 1869, str. 101.

ovakvog tipa u bosanskoj književnosti, ili bar njeni začeci. Radi se o literaturi tzv. »pitanja i odgovora« koja je poznata kako na istoku tako i na zapadu.⁴

Speranski je analizirao glose s obzirom na njihov sadržaj, pa je iz te analize i uspoređivanja sa sličnom i srodnom literaturom došao do zaključka da misli izražene u glosama nisu ni po čemu jere-tičke, a uz to i da ne predstavljaju originalan rad autora, s obzirom da svega toga ima i odgovarajuća bizantska, srednjovjekovna zapadna, a i crkvenoslavenska literatura, kanonska i apokrifna. Ipak, ni on nije uspio da nađe u većini slučajeva nikakvu paralelu, a tamo gdje ju je i našao ona se na toliko bitnih mesta razlikuje od teksta Srećkovićevih glosa da se gotovo sa sigurnošću može odbaciti direktno prepisivanje. U najboljem slučaju može biti go-vora samo o prilagođavanju poznatih tekstova svojim prilikama i shvatanjima, pa, prema tome, i traženje samostalnog i originalnog izraza. Imajući to u vidu, ostaje činjenica da su glose iz Srećkovićevog jevanđelja originalna interpretacija i komentar jevanđeljskog teksta, koju su učinili, najvjerojatnije, pripadnici »crkve bosanske« i, prema tome, u više pravaca za nas kao jezički tekst vrlo značajan materijal za istraživanje.

Poznato je, naime, da je broj bosanskih kodeksa vrlo ograničen,⁵ a uz to oni predstavljaju gotovo isključivo prepisivačku djelatnost, ograničenu na tekstove novog, a samo djelomično i starog zavjeta,⁶ vrlo ograničen opseg apokrifne literature (u okviru dva zbornika: Mletačkog i Hvalovog) a tu se, najvjerojatnije, može ubrojati i jedan svjetovni srednjovjekovni roman Aleksandrida, koja je, me-

⁴ V. Speranski, M., o. c., str. 179; a o mogućnosti postojanja ovog tipa literature kod patarena v. Radčenko, K., Zur Literatur der »Fragen und Antworten« Archiv für slavische Philologie, 25, Berlin, 1903, str. 611—612.

⁵ V. Vrana, V., Književna nastojanja u sredovječnoj Bosni, Povijest hrvatskih zemalja Bosne i Hercegovine, Sarajevo, 1942; Đordić, P., Istorija srpske cirilice, Zavod za izdavanje udžbenika, Beograd, str. 130—131, Kun a, H., Hrestomatija starije bosanske književnosti, knj. I, Sarajevo, 1974, str. 19—23.

⁶ U svega 3 kodeksa nalaze se dijelovi Starog zavjeta, od toga psaltir sa bibličkim pjesmama i tekst 10 zapovijedi u Hvalovom zborniku, u Mletačkom samo 10 zapovijedi (pošto je kraj izgubljen nedostaje psaltir i bibličke pjesme, koje bi inače, vjerovatno, sadržavao, jer se u ostalom u svemu slaže s Hvalovim rukopisom), te dijelovi parimejnika u Kijevskim bosanskim listićima (v. Kun a, H., Fragmenti parimejnika bosanske provenijencije, Slovo, 20, Zagreb, 1970, str. 98).

đutim, takođe, samo prepis i djelomično, možda, prerada starijeg teksta. Jezik ove književnosti je, kao što je i razumljivo, redakcija staroslavenskog, što do izvjesne mjere važi i za Aleksandridu, koja je, međutim, u nekim svojim dijelovima već jako ponarodnjena.⁷ Prema tome, glose su za jezičko proučavanje od velikog interesa, jer sa stanovišta istorije literarnog jezika mogu pokazati koliki je bio stepen usvajanja crkvenoslavenskog književno-jezičkog manira, u stvari, koji nivo usvajanja crkvenoslavenskog kao literarnog jezika u smislu medija za jezičko izražavanje u domenu originalnijeg književnog stvaralaštva.

Poznato je, naime, da i hrvatska glagolska književnost u tom smislu pokazuje vrlo veliku diferencijaciju, moglo bi se čak reći svojevrsnu diglosiju u domenu funkcionalnih stilova na liniji crkvena književnost prema svjetovnoj.⁸ Ovdje je problematika utoliko interesantnija što nije u pitanju odnos na liniji svjetovna prema crkvenoj književnosti nego odnos upotrijebljenih jezičkih idioma u domenu crkvene književnosti, a na liniji: prepisivački rad — originalnije stvaralaštvo.

Da bi se u tom smislu bolje uočila distribucija jezičkih osobina u okviru funkcionalnih stilova, na temelju varijanti teksta koje je dao Speranski pokušali smo da rekonstruišemo integralni tekst obaju odlomaka, te da ga makar i u globalu uporedimo s jezikom glosa. Istina, može se staviti prigovor da je jezik jevanđelja znatno stariji od jezika glosa, međutim, i sam Speranski je konstatovao da se jezik Srećkovićevog jevanđelja u bitnjemu ne razlikuje od jezika ostalih bosanskih kodeksa, a to znači ni onih koji pripadaju XV vijeku, a takođe nije pouzdano da su glose toliko mlađe od teksta, s obzirom da Speranski nije dao u tom smislu pouzdanih dokaza za njihovo datiranje, no čak da i potiču s početka XVI v., još uvjek se znatne razlike u jeziku glosa prema jevanđeljskom tekstu ne mogu objasniti isključivo vremenskom razlikom.

⁷ Riječ je o tzv. Berlinskoj Aleksandridi, koju je objavio van den Berk i za koju se po jezičkim osobinama može pretpostaviti da je prepisana u Bosni. Posljednje glave, za koje Berk nije našao paralelu, očito su slobodnija prerada i jezik je u njima gotovo sasvim ponarodnjен.

⁸ V. o tom Hamm, J., Hrvatski tip crkvenoslavenskog jezika, Slovo 13, Zagreb, 1963, str. 54. i d.; Nazor, A., Jezični kriteriji pri određivanju donje granice crkvenoslavenskog jezika u hrvatskoglagoljskim tekstovima, Slovo 13, Zagreb, 1963, str. 68.

Po grafijskim i ortografskim osobinama očevidno je da je tekst glosa pisan prema istim pisarskim, ortografskim i grafijskim, principima prema kojima i tekstovi svih bosanskih jevanđelja, što znači da su marginalije nastale i u istoj školi, dakle najvjerojatnije kod pripadnika »crkve bosanske«. U tom je smislu potrebno zabilježiti glavne značajke bosanskih kodeksa, kao što je pisanje jata u vrijednosti *ja*, npr.: инић 3,⁹ ћевлајо 3, ћеви 5, неприћезниниме 6, ићковъ 7, в(о)жнић 5, скончанић 3, ali se pored ovih primjera koji spadaju u bosansku ortografsku normu javlja i primjer тајже 2, koji već pokazuje prodiranje uticaja iz srpske književne tradicije, kao što je slučaj i sa primjerom јесть 14, uz tipično bosansko ћето 9, јестъ 2, 8, 10, јеникъ 13, mada se prejotirano *e* sreće ponekad i u drugim bosanskim kodeksima, osobito u kratici za *jest*.¹⁰ Glose su jednojerove, izuzimajući primjer прѣкъ 2 (ukoliko je Speranski precizno zabilježio tekst), i to je u upotrebi samo jer.

Kao dalja karakteristika grafije glosa je pisanje omege na početku riječi, kao npr.: *ѡ(тъ)цъ* 8, *ѡнъ* 5, 8, 9, *ѡчнити* 2, a redovno u prijedlogu i prefiksnu *отъ*, kao npr.: *ѡстѧпъници* 7, *ѡпѹщаю* 9, *ѡ* 2, 13, koji je do neke mjere normiran s omegom, pa se zbog krive interpretacije početka riječi širi čak i na riječi u kojima izvorno nema ni prefiksa, pa ni početne sekvene *ot-*, nego samo *о*.¹¹ U tom je pogledu naročito ilustrativan primjer *ѡвъча* 11 (tj. *овъча*), što već samo po sebi pokazuje da pisac nije imao dovoljno crkvenoslavenskog obrazovanja. Međutim, glose imaju i relativno znatan broj primjera sa inicijalnim *о* u riječi *otac*, i to, uglavnom, u obliku koji pokazuju govornu formu bez *t*, tj.: *оца* 1, 3, *оцъ* 8, ali i: *о(тъ)цъ* 6, *отцъ* 10.

⁹ Brojevi uz primjere pokazuju brojeve glosa onim redom kojim su preštampane. Iz tehničkih razloga, osim u dijelu teksta koji se odnosi na grafiju, primjeri su pojednostavljeni na taj način što su nadredna slova spuštana u redak. Kratice su razrješavane i u slučajevima kada nisu titlovane, ukoliko u tom obliku ne postoje u govoru, a zanemarivana je potpuno razlika između *о* i omege, običnog i deseteračkog *i*, te između *oy* i ligaturnog *u*.

¹⁰ V. Grickat, I., o. c., str. 257; Stojanović, Lj., Jedan prilog k poznavanju bosanskih bogumila, Starine JAZU 18, Zagreb, 1887, str. 230; Šidak, J., Marginalija uz jedan rukopis »crkve bosanske« u mletačkoj Marcianni, Slovo 6—8, Zagreb, 1957, str. 136.

¹¹ V. Jerković, V., Čajničko jevanđelje (doktorska disertacija u rukopisu), Novi Sad, 1971, str. 152—159; Speranski, M. N., Mostarskoe (Manojlovo) bosnijskoe evangelie, Varšava, 1906, str. 17; Grickat, I., o. c., str. 262.

Sudeći po objavljenom tekstu, u glosama je potpuno zagospodarilo ligaturno *u*, bez obzira na poziciju u riječi, a tradicionalno *oy* javlja se samo u jednom primjeru: *Δ(օγ)шօյ* 6.¹² Međutim, po ono malo primjera koji su vidljivi iz datih varijanti jevanđelja očito je da je pisac jevanđeljskog teksta ako ne preferirao, a ono, i svakom slučaju, upotrebljavao *oy* vrlo često (up. Mat. XXVII поѹн-
тъконоу 2, осѹдише 3, оѹспиваєть 24 i sl., uz Mt. XXVII ѹниютъ 1,
ѹтѹ 1) bez obzira na poziciju.

Osobita karakteristika bosanskih kodeksa je neobilježavanje palatalnosti *ļ* i *ń*, i to je u glosama dosljedno sprovedeno, kao npr.: *ѧдн 10, ѧдн 2, 7, ՚եւլայ 3, ՚սամարինանի 5*, iako pisac nesumnjivo poznaje znak *ю*, jer ga i upotrebljavaiza vokala, npr.: *՚եւլայ 3, ՚законի 3*, ali nikad za pisanje sloga *ļu*, međutim, tekst jevanđelja pokazuje ovakvo obilježavanje (v. *люђици* Mt. XXVII, 1), mada je primjer usamljen. Tekst glosa, također, ne poznaje uopće *jeri*, dok ga u varijantama jevanđelja ima, ali je i tu potpuno izjednačeno sa *i*, što se vidi po upotrebi kao u primjerima: *՚պհնջե՞ն* Mt. XXVII, 20: *՚պհնչե՞ն* Mt. XXVII, 1, 12 i sl. Ipak, i ova osobina pokazuje jače čuvanje tradicionalne grafije i ortografije u starijem jevanđeljskom tekstu.

Jedna dosta nova osobina u glosama je relativno frekventna upotreba deseteračkog *i* u pozicijama gdje se to ne bi očekivalo, kao npr. *՚ікони 9, ՚іже 2, ՚սամարինանի 5, ՚բ(օ)жин 14*, s obzirom da je u bosanskim kodeksima ovaj znak ograničen, uglavnom, na brojnu vrijednost.¹³ I u glosama, kao i u tekstu jevanđelja, registriran je znak đerv, očigledno u vrijednosti srpskohrvatskog đ tj.: *՚բ(ա)հՃ(է)լիտի 12, ՚ևճաճելի 2, ՚ահՃ(է)լոմի 6, ՚ահՃ(է)լի 8*, ali postoji u glosama i jedan primjer koji je Speranski obilježio savremenim ciriličkim ć, tj. *не* 1, što je, najvjerojatnije, takođe bilo napisano đervom, ali ga je iz praktičnih razloga redaktor označio prema njegovoј stvarnoј vrijednosti.

Poseban interes predstavlja upotreba skraćenica u glosama, jer je veoma velik broj slučajeva u kojima skraćenica nije titlovana,

¹² Očito je da u starijim tekstovima preovlađuje *oy* (up. Speranski, M. N. Mostarskoe..., str. 10—11; Grickat, I., o. c., str. 243), dok u mlađim, iako nejednako, sve više prodire ligatura (v. Pavlović, M., Belićevi odlomci bosanskog evanđelja, Zbornik filoloških i lingvističkih studija A. Beliću, Beograd, 1921, str. 243).

¹³ V. Đordić, P., o. c., str. 137. Prema dosad raspoloživim podacima deseteračko *i* javlja se u Čajničkom jevanđelju takođe u glasovnoj upotrebi (v. Jerković, V., o. c., str. 142—144).

a nekad je pri tom ispušten samo jedan glas, vokal ili konsonant, tako da nije moguće uvijek pouzdano utvrditi radi li se, u stvari, o govornoj redukciji ili o načinu pisanja skraćenice, kao npr.: **и** 6, **и** 8, te naročito **оца** 1, 3, gdje je pisac, najvjerojatnije, pratio stvaran izgovor, mada u paralelnom primjeru **оц** 8 bilježi titlu. Bez title su vrlo česte i uobičajene skraćenice, kao: **снове** 10, (**сынове**), **чълкънъ** 9, **отцъ** 10, **члвкъ** 14, **неснога** 1, **члвкъ** 5, što je općenito dosta česta pojava u bosanskim kodeksima,¹⁴ uz obične normalno titlovane skraćenice, **члвкъ** 9, **вѣкъ** 10, **несни** 10, **дѣла** 11, **глагъл** 1, **дѣлъ** 1, itd.

Zanimljivo je, međutim, što se naporedo javljaju kratice: **хс** 8, 2, **хсъ** 2, **хстъ** 2, te u padežnom obliku **хс** 4, koje odgovaraju staroslavenskim dubletima **Христъ** i **Христосъ**, mada je najvjerojatnije da je oblik koji se završava na **-тъ** imao vrijednost govornog i narodnog *Hrist*. Kratice su u tri slučaja povezane s ispisivanjem nadrednih slova: **члвѣкъ** 9, **г҃сънъ** 10, **члвкъ** 5; toga ima i izvan skraćenica kao npr.: **ес^тъ** 2, **лѣдъне** 2, **спитѣнниѧ** 3, a u jevandželju je naročito često nadredno **d**, kao npr.: Mt XXVII, **рѣздѣлѣ** 51, **свѣдѣтелъствоють** 13, Mar. I **вѣлиблѹгждан** 6.*

Na fonetskom planu u bosanskim kodeksima na prvom je mestu interesantno pitanje refleksa jata. Iako bi se zbog karaktera teksta očekivalo drukčije, u glosama su relativno rijetki primjeri ikavizacije, i to isključivo ograničeni na izrazitije crkvenoslavenske lekseme, koje se sreću, uglavnom, u kodeksima, ili koje su manje poznate, što svjedoči, najvjerojatnije, o ijkavskom tlu sa koga je mogao potjecati pisar ili na kome su glose pisane, tako da su se pojavili samo iz jevandželja preuzeti već uobičajeni ikavizmi. Naime, treba imati u vidu da se ikavski refleks sreće već kao vrlo frekventan u rukopisima XV v.,¹⁵ a glose, svakako, nisu pisane ranije, što sve upućuje na istočniji ijkavski teren. Tome u prilog govor i nešto znatnija ikavizacija u tekstu samog jevandželja, sudeći prema odlomcima s kojima raspolažemo i u kojima su i nešto karakterističniji primjeri, kao: Mt. XXVII съ кънижнинцѣ 41 (orig. **никънижкъцѣ**)

¹⁴ V. Jerković, V., o. c., str. 239—259, a ovakvu sliku pokazuje i materijal prikupljen za crkvenoslavenski rječnik pri ANU BiH, Sarajevo.

¹⁵ Up. Daničić, Đ., Hvalov rukopis, Starine JAZU, knj. 3, Zagreb, 1871, str. 42—43; Šidak, J., Marginalija..., str. 136; Šidak, J., Kopitarovo bos. ev., str. 49; Pavlović, M., o. c., str. 243; Hamm, J., Apokalipsa bosanskih krstjana, Slovo 9—10, Zagreb, 1963, str. 49; Jerković, V., o. c., str. 284; Šidak, J., Bosanski rukopisi..., str. 117 (za Grig.-Giljf. listice)

* Slovo sa znakom **Δ** označuje nadredno slovo.

исѣченъ вѣстъ 60, коустодѣю 65, коустодѣю 65, въ гроби 60, съ нѣмъ Mr 1, 36 (instr. sg. m.), gdje je ili iskonsko i zamijenjeno jatom, ili je u pitanju zamjena jata sa i u fleksiji. Nasuprot tome, u glosama su samo ovi primjeri: вѣшиль 11, више 1, скѹдильникъ 7. Pitanje je koliko primjeri на пытѣ 11, дѣвѣ надесете лѣти 2 (nom. du.) odražavaju ikavsku zamjenu, a koliko su zapravo tradicionalni oblici pogrešno primijenjeni. Vecina ostalih primjera iz glosa sa sačuvanim jatom odnosi se na leksiku običnu koliko u kodeksima toliko i u govoru, kao: вѣфыно 1, профовѣда 1, грѣшникомъ 1, дѣвѣ 2, грѣхъ 2, лѣкстѣ 4, вѣка 9, 10, вѣра 5, потрѣба 14, хлѣви 6, ili je u pitanju neposredni prepis lekseme iz jevanđelja, kao u primjeru: вѣнтични 8.

Vjerojatno je da je pisar teksta jevanđelja bio ikavac, ali je, isto tako, moguće pretpostaviti da je njegov predložak još u jakoj mjeri čuvaо dosljedno jat, što je razumljivo s obzirom na dosta veliku starost jevanđelja.

Za razliku od jata, koji još ne pokazuje govornu zamjenu, znatno je drugačija situacija s poluglasom. U suštini, slabi poluvokal čuva se, manje-više, dosljedno jedino na absolutnom kraju riječi, ali i tu uz jednu iznimku: тельцъ 8, koja pokazuje očito prodiranje govornih osobina. U većini ostalih pozicija već je, uglavnom, izvršeno ispadanje poluglasa, mada nedosljedno, jer se sreću i primjeri s tradicionalnim pisanjem, kao: вѣфыно 1, отстѣпьници 7, скѹдильникъ 7, ечъменъ 13, навадъники 15, овьча 11, svakako kao nastojanje da se održi crkvenoslavenski uzus. Ipak, odstupanja su brojna: нелиже 1, все 2, дни 2, скончаникъ 3, два 5, вси 7, скровища 7, кнезъ 9, дѣлжники 9, покорливе 4, грѣшникомъ 1 (orig. грѣшникомъ), схини 8, па se, izuzetno nalaže čak i primjeri gdje poluglas nije obilježio ni vokalno r, kao: цркве 5, цркве 9, mada se inače u ovoj poziciji, kao i za obilježavanje vokalnog l, poluglas još čuva, kao: кръвоточива 2, супрѣники 6, дѣлжники 9, на пытѣ 11, вѣнтие 14.

Kod primjera црква vjerovatno je u pitanju izostavljanje title, jer su se ovakvi primjeri mogli smatrati i skraćenicom u smislu crkvenoslavenskog uzusa, mada su, svakako, odražavali stvarni izgovor. Posebno стоји primjer отцъ 10 u kome je izostavljen jer u jakom položaju, a napisan u slabom, što je očigledno skraćenica s izostavljenom titlom, pisana inače u skladu s crkvenoslavenskom normom. Posebno je zanimljiva situacija kad se uslijed gubljenja poluglasa stvaraju udvojeni suglasnici; oni se shvataju, takođe, samo kao grafijska osobina i podložni su ujednostavljujući, kao u primjerima: гостиникъ 5, гостиница 5, законици 2, prema пѣкници 5.

Međutim, kad su u pitanju poluvokali u jakom položaju, očit je prodor narodnog govora, ali uza sve to s tendencijom čuvanja crkvenoslavenske tradicije. U tom smislu su ilustrativni primjeri s vokalizacijom, kao: *птишаль* 2, *Петаръ* 5, *миръ са* 14 (up. *миръ съ* 11), i, naročito, primjer u kojem je u zamjenio iskonsko *a*: *скудильњѣк* 7 (acc. pl. n.) uz primjere u kojima se još održava crkvenoslavenski uzus i pisanje poluglasa, kao: *водоносьцъ* 5, *мъни* 8, *телъцъ* 8, mada je izgovor svakako sa *a*. Posebno poglavje u vezi s poluglasom predstavlja pitanje *vъ* u otvorenom slogu. U tom pogledu je izrazitija osobina bosanskih spomenika vrlo rana infiltracija narodnog govora, tj. zamjena sa *u*,¹⁶ što je u potpunosti realizirano i u tekstu glosa, kao što se vidi iz primjera: γ *неникъ* 1, γ *евандели* 2, γ *введе* 7, γ *скровища* 7, naročito kad je u pitanju prijedlog. Crkvenoslavenska norma održana je jedino kod zamjenice *vъсъ*, tj.: *все* 2, *вси* 7, *все* 9.

Posebno se nameće oblik koji je Speranski označio sa (sic), tj. γ *нен* 1, koji ne odražava ništa drugo nego dosta prošireni dijalektizam, prijedlog *sa* u obliku *su*, što upućuje, takođe, na srednju i istočnu Bosnu kao mjesto postanka glosa,¹⁷ mada ostaje pitanje vrijednosti oblika *нен*.

U glosama nema nijednog primjera prelaza *ę* u *a* iza palatalnog suglasnika, što govori uvjerljivo o štokavskom tlu, mada se mora priznati da izuzev *ечиленъ* 13, *езикъ* 13 nema ni karakterističnih primjera, kao što uopće nema primjera za *j* od praslavenskog *dj*, što imaju neki bosanski kodeksi, vjerovatno sa zapadnjeg terena.¹⁸

Osobina koja je karakteristična za bosanske kodekse uopće je sažimanje vokala, naročito kad je u pitanju vokal *i*,¹⁹ a to je prisutno i u tekstu glosa: *Монсъ* 5, *мъни* 8, *еванђели* 2 (ukoliko u posljednja dva primjera nije već u pitanju govorni oblik sa jotovanim *n*, odnosno *l*). Naročito često, gotovo po pravilu, takvo je sažimanje izvršeno u nom. sg. m. roda određenog vida pridjeva: Δ(γ)χъ *нечисти* 1, εв(ε)тн 6,

¹⁶ Prvi zasvjedočeni prelaz *vъ* u *u* je u Kulinovoj povelji. Od ranih bosanskih kodeksa ova je osobina registravana u Divoševom jev. (v. Grickat, I., o. c., str. 259) i Manojlovom (v. Speranski, M. N., Mostarskoe..., str. 41).

¹⁷ Isti se oblik nalazi i kod Divkovića i Grgura iz Vareša, koji potječu s terena tuzlansko-fojničkih govora, a i u građi iz tih govora (v. Rječnik JAZU, knj. 14, sv. 60, str. 384b).

¹⁸ V. Daničić, Đ., o. c., str. 57.

¹⁹ V. Grickat, I., o. c., str. 260; Daničić, Đ., Nikoljsko jevanđelje, Beograd, 1864, str. XVI, Speranski, M. N., Mostarskoe..., str. 44.

Ѡ(ТЬ)Цъ НЕВИДИЛИ 8, ѡБОГИ Лазаръ 10, отцъ Н(Е)Б(Е)СНИ 10, БОГАТИ ЧЛ(О)Б(Ѣ)Къ 10. Pojava sažimanja dvaju krajnjih *i* poznata je i u srednjobosanskim govorima, pa je to, vjerovatno, podržavalo i pisanje govornog oblika pridjeva. Za redakciju su karakteristični slučajevi: Монси (и) Илић 3, Исаакь Ићковъ 7, gdje je Speranski u prvom primjeru dodao vezničko *i*, koje se u ovakvim slučajevima po tradiciji ne piše.²⁰ Pored ovog karakteristično je sažimanje dvaju *a* u Јеврани 7, 10.

Za sažimanje je ilustrativan i primjer тельц үпитеңни 8, gdje je prvo bitnom govornom obliku dodano, vjerovatno kao ispravka, nadredno *i*, svakako prema uzoru iz kodeksa.

U tekstu glosa pojavljuje se i specifični oblik Иванъ водоносьцъ 5, što odgovara, svakako, govoru pisca i nije u suglasnosti sa tradicijom i crkvenoslavenskim uzusom, koji čuva oblike Иоанъ ili Иоенъ.²¹

Kao što se može očekivati, nema jotovanja kod imenica na *-oje*, one su čak obilježene izrazito crkvenoslavenskim *-ije-* kao: до скончаникъ 3, үкофене 13, брынне 14, житие 10, законио 3, ali zbog načina pisanja, tj. neobilježavanja *l* i *n* nije izvjesno da li već ranije pomenute primjere: γ εβανδλι 2, мъни 8 ne treba shvatiti kao oblike s izvršenim jotovanjem, tj. *u evanđeli* i *maňi*, što nije neprihvatljivo ako se uzme u obzir vrijeme (najranije kraj XV v.). Osim toga, u tekstu se, kao što je već rečeno povodom grafije i ortografije, vrlo frekventno pojavljuje đerv u vrijednosti đ u preuzetim grčkim riječima, koje su u tom obliku poznate i danas, dok je izuzetak левгитъ 5, svakako, čisto literarni import.

Vjerojatno zbog kratkoće teksta nema nijednog prelaza sonantnog *l* u *o* (v. пришаль и г(лаго)лаљ 2, скудильникъ 7, и(с)купиль 14, ап(о)с(то)ль 2, 13) što odgovara čuvanju najočiglednijih crta crkvenoslavenskog fonetsko-ortografskog uzusa, a slično je i sa čuvanjem vokalnog *l*, koje, uostalom, na tlu srednje Bosne može još imati i specifičan izgovor,²² pa su razumljivi i primjeri: дължникъ 9, на пътъкъ 11. Karakteristična osobina bosanskih kodeksa je preuzimanje grčkog ipsilona kao

²⁰ Up. Grickat, I., o. c., str. 260, a toga ima i u građi iz Hvalovog rukopisa.

²¹ Oblik Ivan, iako rijetko, pojavljuje se u nekim bosanskim kodeksima (v. Jerković, V., o. c., str. 150; Šidak J., Kopitarovo..., str. 51).

²² To pokazuju Divkovićeva djela (up. Đorđević, S. Đ., Matija Divković, Glas SKA, knj. 52, str. 102—103), a i savremeni govorci (up. Brozović, D., Izvještaj o dijalektološkim istraživanjima u srednjoj Bosni, Ljetopis JAZU, knj. 65, str. 339; Žuljić, M., Današnji vareški dijalekat, Školski vjesnik, knj. 15, str. 257—258).

u,²³ što se sreće u primjeru Туђа и Сидонъ 4, zatim, ovdje je do-sljedno grč. beta reflektovana kao *v*, što pokazuje da nema bližeg dodira sa latinskim, kao: Явданъ 7, Китъсандъ 4, Ићковъ 7. Grčko kratko *a* primljeno je kao *o* u primjeru: сотона 7, no posebno je zanimljivo ujednostavljinje početka riječi u pridjevu идина (č. jidina) 5, 12 (up. stsl. иудинъ), kao što posebnu pažnju zaslužuje govorna akomodacija grč. *οἰκονόμος* и иконовъ 9, preko crkvenoslavenskog икономъ, koje je zasvjedočeno i u srpskim spomenicima, kao što je slučaj i s fonetskim oblikom паска Монснева 16 (up. stsl. пасха grč. πάσχα).²⁴

Međutim, dalje ponarodnjavanje jezika, koje proizlazi iz nedoučenosti pisca, ali, možda, i iz svjesne namjere da tekst učini jezički pristupačnjim, dolazi osobito do izraza u morfologiji, koja je, inače, u biblijskim tekstovima vrlo konzervativna i najčešće dosta vjerno održava staroslavensku normu.

Već na prvom mjestu pada u oči srpskohrvatski oblik gen. sg. m. roda u primjeru оца и(ε)б(ε)нога 1, uostalom, jedini oblik genitiva određenog vida. Kad je govoren o sažimanju *i*, pomenuti su primjeri nom. sg. m. roda određenog vida pridjeva koji odražavaju u morfološkom pogledu karakteristike narodnog jezika, a to se može protegnuti i na primjere kao što su: св(ε)тихъ 5 (gen. pl. m.) i не-приѣзничи 6 (dat. pl. m.). Ipak ima i nesažetih primjera određenog vida, mada u ograničenom broju, vezanih mahom za ustaljene crkvenoslavenske izraze, gotovo terminološkog karaktera, i to: скрвищи скудиљњи 7 (acc. pl. n.) простираное житије 10 (nom. sg. n.), te već pominjani primjer тельц үпитишини 8. Kod pridjeva je registrovan još jedan novi srpskohrvatski oblik u acc. pl. f. чл(о)в(и)ческе 9, mada je fonetski lik pridjeva još tradicionalan.

Na svoj način su zanimljivi oblici prisvojnih pridjeva, jer se pored tipa в(о)жни 5 (nom. sg. f.) sreće paralelno i lik овьча 11, što odgovara tipu боžи u primjerima: в(о)жни (nom. pl. m.) 2,7,10, в(о)жни (nom. sg. m.) 3, в(о)жни (acc. sg. m.) 3, mada se oni mogu shvatiti i kao sažimanje vokala *i*, pošto postoji i primjer в(о)жни (nom. sg. m.) 14. Ipak, primjer овьча govori o dijalekatskoj karakteristici dosta široko poznatoj u narodnim govorima.²⁵ No posebno je zanimljiv

²³ Up. Grickat, I., o. c., str. 262; Daničić, Đ., Hvalov rukopis, str. 47—48; Jerković, V., o. c., str. 275—276.

²⁴ V. Miklošić, F., o. c., str. 254b. i 557b.

²⁵ Za боžи v. potvrda i kod Divkovića (Rj. JAZU, knj I, str. 570), a takav oblik postoji i u vareškom govoru (v. Žuljić, M., o. c., str. 37), ali za ovaj teren nema potvrda za lik боžа, овче, iako je poznat u drugim štokavskim i jekavskim govorima.

primjer **непримјеним** (dat. pl. m.) 6, u kojem osim već pomenutog sažetog oblika složene pridjevske promjene imamo još jednu izrazitiju govornu osobinu, a to je pokretni vokal *e* na kraju oblika.²⁶

U oblasti deklinacije uopće, pa i pridjevske, karakteristično je još djelomično održavanje duala, kao u primjerima: (Харазинъ и Енть-санда града и мѣстѣ) **непокорлива** (nom. du. m.) 4, (Тырь и Сидонъ) **по-корлива** (nom. du. m.) 4.

Oba oblika komparativa koja se pojavljuju u tekstu odgovaraju u potpunosti narodnom jeziku, to su: **лыни** (nom. sg. m.) 8, **старѣи** (nom. sg. m.) 8.

U imeničkoj su deklinaciji relativno rijetke govorne inovacije, ali je i većina primjera u nom. sg., kao: **д(у)хъ** 1, **миръ** 5, **водоносъцъ** 5, **скотъ** 5, **законъ** 5, **синъ** 6, **олѣи** 5, **вино** 5, **жилище** 5, **женя** 2, **гостинница** 5, **лиюсть** 5 itd. Zanimljiv je oblik **Самаринанинъ** 5, očito napravljen prema tipu etnika na *-janin* od osnove *samarin-* (up. stsl. **самарининъ**) ali govornu inovaciju predstavlja, nesumnjivo, samo nom. sg. **црквъ** 5, pisana tako bez poluglasa i title (up. stsl. **црквъ**), pa je u toj relaciji onda i gen. sg. **цркве** 9 takođe novi oblik.

U pluralu muš. roda primjera s proširenjem *-ov-*, osim kod stare u-osnove **т(и)нове** 7, 10 ima još samo u primjeru **врачеве** 2, što je, međutim, takođe posvjedočeno u vrlo starim spomenicima (v. Miklošić F., Lexicon paleoslovenico-graeco-latinum, str. 76), ali što ne isključuje da je istovremeno moglo biti i govorna osobina. Svi ostali primjeri su u kraćoj formi kao: **от грачъ** (gen. pl.) 2, **грачъ** (nom. pl.) 5, **хлѣби** (nom. pl.) 6, **грачъ** (acc. pl.) 9. Nominativ plurala muš. roda pored tradicionalnih formi na *-e* kod u-osnova, što se proteglo i na imenicu **vрачъ**, čuva isto tako tradicionalni crkvenoslavenski oblik **луди** 2, 7, ali se naporedo već javlja i novi srpsko-hrvatski **луди** 10, što govori o piščevom nastojanju da sačuva, u granicama svoga znanja, crkvenoslavenski uzus, ali istovremeno i o prodiranju živog jezika. Istu situaciju imamo i u odnosu crkvenoslavenskog nom. pl. žen. roda **ѣзи** 5 i acc. pl. m. **дни** 2, 9, stare konsonantske deklinacije, prema već novom srpsko-hrvatskom akuzativu plurala muš. roda **грачъ** 2, 9. Genitiv plurala bez nastavka, kao i dativ plurala na *-омъ* su istovremeno i govorni oblici i crkvenoslavenska tradicija: **от грачъ** 2, **ап(о)с(то)ль** 2, 13, **от єзи** 13

²⁶ V. o tom Belić, A., Prilošci istoriji slovenskih jezika, Glas SAN, II, razdvoj 62, str. 211—215, te Ivić, P., The Serbocroatian Case System in Diachrony and Diatopy, To Honor Roman Jakobson, 1967, pos. ot., str. 999.

(gen. pl.) грађаникомъ 1, ученикомъ 3, ани(е)ломъ 6 (dat. pl.), dok je primjer чиљ(вѣ)комъ 9 svakako crkvenoslavenski relikt i težnja za literarizacijom teksta. Međutim, oblik ап(о)с(то)ли 2, ukoliko predstavlja dativ plurala, što je vjerovatno prema smislu odlomka, bio bi relativno rano svjedočanstvo mijешanja pluralskih padeža dativa i instrumentalna pod uticajem duala, jedna od karakteristika štokavskog tla.

Kod imenica se još održava dual i kad je u pitanju srednji rod: (Хафазинъ и Еитъсанда) града и мѣстѣ 4, ali se uz broj 12 pojavljuje naporedno gen. pl. i nom. du.: вѣ:те ап(о)с(то)ль 2, два најесете ап(о)с(то)ль 13, prema двѣ на десете лѣти 2, pri čemu je karakteristično da se dualski oblik i ovdje vezuje za srednji rod. Isto tako je karakteristično da se uz broj 3 čuva plural: твои хлѣбни 6, iako je već promjenjen oblik broja za muš. rod, tj. твои мј. тѣве.

Singularski padeži imenica podudaraju se, uglavnom, koliko s crkvenoslavenskim uzusom toliko i sa srpskohrvatskim jezikom, kao: (gen. sg. m. i n.) оца 1, 3, ц(кса)рства 7, до скончаникъ 3, вѣка 9, 10 (dat. sg. m.) вѣку 3, х(рѣсто)су 4, о(ть)ци 8, чл(о)в(ѣ)ку 14 i sl., te acc. sg. f.: а(у)шу 6, вину 8 i sl. Jedino odstupa lokativ sing., koji još čuva arhaični i crkvenoslavenski oblik: γ εβανδѣли 2, на пьтѣ 11.

I u zamjeničku sistemu, koja je obično u kodeksima vrlo konzervativna, već prodire piščev govor. I mada se nalazi još prilično često karakteristično crkvenoslavensko *iže*, njegova je upotreba u funkciji relativne zamjenice svedena na dva oblika, i to: иже 2, 8, 9 (za nom. sg. m.), 6 (za nom. pl. m.), a јже 2, 7, 8 (za acc. pl. m.), 3 (za acc. sg. n.). Oblik γ неніже 1 očito nema vrijednost relativne nego lične zamjenice, pa se stiče utisak da je, u stvari, partikula ţe dodata zamjeničkom obliku narodnog jezika kao svojevrsna literarna oznaka.

Na to upućuje u istoj glosi i upotreba relativne zamjenice *кои* (nom. pl. m.) 1. U upotrebi je i demonstrativna zamjenica *съ*, i to: съ 11 (acc. sg. n.) съ 11 (nom. sg. m.), čak u jednom primjeru sa vokalizacijom poluglasa: съ 14 (acc. sg. m.) a kako inače nema slične vokalizacije, nije isključeno da je iz govora.

Tradicionalni crkvenoslavenski oblik zadržao je i genitiv singulara muš. roda lične zamjenice u posesivnoj upotrebi *го* 6, 9, a u istoj se upotrebi javlja i genitiv plurala *ињъ* 2, no posebno pažnju izaziva oblik *съ иен* 1, koji, eventualno, može da predstavlja instrumental singulara žen. roda (v. stsl. *съ жејо*), mada bi po smislu

ovdje trebalo da bude masculinum. Speranski je ovaj oblik stavio s oznakom (sic). Ostali zamjenički oblici podudaraju se sa srpsko-hrvatskim, jedino je, možda, potrebno spomenuti nominativ singulara muš. roda demonstrativne zamjenice **онъ** 5, 8, 9, još u arhaičnoj formi koja se slaže sa crkvenoslavenskim uzusom.

Najviše je osavremenjen i najslobodniji u odnosu prema crkvenoslavenskom morfološki sistemu glagola, u kojem gotovo pretežu novi srpskohrvatski oblici i narodni govor. U tom pogledu su načito zanimljivi prezentski oblici, koji u većini slučajeva više nemaju nastavak *-tъ* u 3. 1. singulara i plurala, inače vrlo izrazit u crtu svih crkvenoslavenskih kodeksa, uključujući tu i bosanske.

Tako prema primjerima: (3. 1. sg.) **пροπовѣда** 1, **се кѹпує** 11, (3. 1. pl.) **се Ѱевляю** 3, **слѹже** 8, **отпѹщаю** 9, **гѹбє** 9 stoji samo (3. 1. pl.) **обличають** 2, **и мѹтъ** 3, te **хѹшетъ** (3. 1. sg.) 6. Od pomoćnih glagola javlja se oblik **сѹтъ** (3. 1. pl. prez.), kao izrazito crkvenoslavenska forma, dok se pored pravilnog i uobičajenog **еєтъ** 2, 5, 8, 10, 14 sreće u jednom primjeru i oblik **е** 10, tj. nova srpskohrvatska enklitika za 3. 1. singulara.

Zanimljiva je i situacija s futurom pošto se u jednom slučaju javlja novi srpskohrvatski štokavski futur **неће** ... **простити** 1, što je vrlo značajna inovacija jer nema podloge u bosanskim srednjovjekovnim kodeksima. Osim toga, forma pomoćnog glagola sasvim je novi srpskohrvatski analoški oblik za 3. 1. plurala. Oblik **хѹшетъ** 6 javlja se u sprezi sa infinitivom **пѹѣдати**, što daje cijelom izrazu izvjestan futurski karakter, ali to nije pravi futur, pa je time i objašnjiv crkvenoslavenski tradicionalni oblik.

Većina glagolskih oblika su aoristi, koji podjednako odgovaraju normalnom srpskohrvatskom aoristu kao i staroslavenskom, i to: (3. 1. sg.) **очисти** 2, **рече** 2, **ѹлиожи** **се** 2, **показа** 3, **ѹведе** 7, **схини** 8, a jedino je nešto zanimljiviji primjer **рече**, s obzirom da je u 3. 1. sg. bila moguća i pojava paralelnog, ali arhaičnijeg tzv. h-aorista (tip *rěhъ*), dok svi ostali primjeri nemaju ni u staroslavenskom nikakvog paralelnog aoristnog oblika, pa u tom pogledu ne pružaju bližih informacija.²⁷

²⁷ Bosanski kodeksi čuvaju još u znatnoj mjeri oblike asigmatskog aorista, mada ipak pretežno u 3. 1. pl. (3. 1. sg. je identično s formama oh-aorista) (up. Grickat, I., o. c., str. 264; Daničić, Đ., Hvalov rukopis, str. 72—73; Jerković, V., o. c., str. 387—388; Jerković, V., Glagolski oblici u Manojlovom jevanđelju, Prilozi proučavanju jezika 5, Novi Sad, 1969, str. 32—33).

Za imperfekt, međutim, u tekstu se nalaze samo tri primjera, i to dva potiču od *glagolati*, lekseme koja je u kodeksima veoma česta u tom obliku: *бише* (3. 1. sg.) 1, *г(лаго)лаше* (3. 1. sg.) 3, *г(лаго)лахъ* (3. 1. pl.) 1, a isto toliko je i primjera za perfekt, istina bez verbuma finituma: *не ... прншашь* и *г(лаго)лашь* 2, *искупши* 14, sve za 3. 1. sg. U tekstu glosa se nalazi i jedan primjer potencijala *не бы илѣли* (3. 1. pl.) 2, koji je već potpun odraz narodnog jezika što se tiče po-močnog glagola, dok je particip *илѣли* najvjerovaljnije, literarni oblik, bar kad je u pitanju bosansko tlo.²⁸ Jedini relikti crkvenoslavenskog su u participu prezenta pasiva *невидили* 8, koji ovdje, uostalom, ima već u potpunosti pravu pridjevsku upotrebu i značenje, kao i particip preterita pasivni *ѹпитѣли* 8, te pasivni aorist *прѣнъ* *вистъ* (3. 1. sg.) 2, sa vrlo tradicionalnom crkvenoslavenskom formom *bistъ*.

Nešto je već dosad rečeno u vezi s čuvanjem duala u deklinaciji, gdje je evidentno da se dualski oblici koji nisu ušli u sistem srpskohrvatskih padežnih oblika čuvaju još jedino po tradiciji, a taj utisak pojačava nedostatak dualskog oblika kod glagola tamo gdje bismo ga očekivali (v. *Монси* (и) *Илїк ... се ѣвлаю* 3). Istina, u većini slučajeva kad su u pitanju dva subjekta izostavljen je lični glagolski oblik glagola biti/jesam, kao npr.: *Харазинъ* и *Еитъсандъ* *г҃ада* и *мѣстѣ* *непокорл(и)ва* 4, što je do neke mјere takođe indikativno.

Pisac i inače često izostavlja predikatsku kopulu, kao npr.: *тѣн ҳлѣви ф(ть)цъ* и *синъ* и *св(е)ти* *д(г)хъ*, 6, *онъ чл(о)в(ѣ)къ* *кнезъ* *вѣка*, a ikonobъ *старѣшина* *цркве* *его* 9, a djelomično, u prvoj rečenici, i u glosi br. 10 (v. bogati *чл(о)в(ѣ)къ* *с(и)нове* *вѣка*), dok je u glosama 2, 5, 8 kopula iskazana u prvoj rečenici, a u ostalima se podrazumijeva (v. *жена* *кървоточива* *естъ* *лудне* *в(о)жи* ... a *врачеве* *законици* ... 2, *онъ чл(о)в(ѣ)къ* *естъ* *пленници*, a *Ер(г)с(а)л(е)мъ* *жилице* *св(е)тихъ* 5). To stvara, naročito u glosi br. 5 i 8, ugodaj koji direktno uprućuje na folklorni jezički izraz i to u njegovojo još neizgrađenoj i ponešto primitivnoj formi, čemu naročito pridonosi upotreba veznika *a* u neprekinutom nizu nabranja (v. ... a *Ер(г)с(а)л(е)мъ* *жилице* *св(е)тихъ*, *Ериха* *мира*, a *ћези* *г҃еси*, a *врен* *Монси* a *левгнть* *Иванъ* *водоносыцъ*, a *Самаринанинъ* *И(с)у* *съ*, a *олѣни* и *вино* *милостъ* *в(о)жнѣ*, a *скотъ* *законъ* 5).

Udio crkvenoslavenskih sintaksičkih specifičnosti relativno je mali, to je, prije svega, infinitivna konstrukcija u glosi 11: *овьча*

²⁸ Glagol *имѣти* zadržali su čakavski govorci, odakle je prodro i u dubrovačku renesansnu poeziju, ali ga nema u štokavskim govorima (v. Rj. JAZU, knj. III, str. 797^b i 823^b).

купилъ се разумѣти лиръ съ, а donekle i dativ s infinitivom u glosi 14: идѣже потуѣва естъ очистити се чл(о)в(ѣ)къ, mada istu konstrukciju poznaje i narodni jezik i kasnijih epoha.²⁹

Nešto izrazitiji crkvenoslavenski karakter pokazuje jedan dio upotrijebljene leksike. Pisac još nije napustio upotrebu crkvenoslavenske zamjenice *iže* i mada se u tekstu sreću samo dva oblika, mora se reći da se oni, manje-više, pravilno upotrebljavaju. Kako se u glosi br. 1 javlja i srpskohrvatska relativna zamjenica, to pokazuje, ujedno, značaj crkvenoslavenskog uzusa kad je riječ o osobini koja treba da pridonese jezičkoj literarizaciji teksta glosa. Na istoj je liniji i upotreba mjesnog adverba идѣже 10, 11, 14, zatim такоже 2, te partikule да же 2 (Speranski je ovu riječ napisao razdvojeno, tj. да же, vjerovatno je tako napisana u originalu), te veznika аще 2. Ilustrativno je da se najviše odnošajnih riječi i adverba crkvenoslavenskog karaktera sreće u glosi 2, koja je ne samo najduža nego je u njoj i najopširnije objašnjenje teksta.

Razumljivo je da je u leksici relativno znatan udio crkvenoslavenskih leksema, jer se komentator najčešće služio jevanđeljskim pojmovima, koji imaju svoju crkvenoslavensku terminologiju, bez obzira da li se upotrijebljena leksema nalazi direktno u komentarišanom tekstu ili ne, jer ona kao takva već pripada jevanđeljskom stilu i jeziku, kao npr.: (скровища) скѹдилињъ 7, (анх(е)лонъ) неприѣзници 6, (тениц) ѹпитчињи 8, законици 2, вину 3, 8, врънине 14, ali pretežni dio leksike pripada narodnom govoru. Zanimljivo je da glosator na dva mjesta objašnjava grčke riječi, i to: навадъникъ 15 (za днѣволъ) i паска Монсевра 16 (за скенофижнѣ).

Očito je na temelju izvedene analize da je glosator imao neke ambicije da piše literarnim jezikom, ali, s jedne strane, nije bio dovoljno učen, a s druge, moguće je da je postojao i posebni funkcionalni stil homiletičke literature, koji je bio manje infiltriran crkvenoslavenskim elementima, pa se toga držao i naš pisac.³⁰

Prema jeziku jevanđelja (koje smo rekonstruirali na temelju varijanti) jezik glosa ne pokazuje veću količinu inovacija na fonet-

²⁹ Belić, A., Istorija srpskohrvatskog jezika, knj. II, sv. 2, Reči s deklinacijom, Beograd, 1950, str. 365—366.

³⁰ U tom pogledu su dosad nedovoljno proučeni Listići iz Monteprandona, koje Jagić, takođe, smatra homiletičkom literaturom (v. Thallóczy i Jagić, V., Slavische Fragmente aus der Bibliothek S. Giacomo della Marca in Monteprandone, Archiv für slavische Philologie XXVII, Berlin, 1905, str. 86).

skom planu nego veću frekventnost inoviranih osobina, jer sve što se pojavljuje u glosama ima i jevanđelje, samo u manjem opsegu. Tako, npr., u jevanđelju je uočljivija težnja da se očuva *v*, pa u cijelom tekstu odlomaka ima svega četiri primjera zamjene sa *u* (v. Mt. XXVII γ ριζη 31, γνιδογ γ τ(ε)της γραδь 53, Mar. I γ ερβδанъсцк 5), dok u glosama, u mnogo kraćem tekstu, imamo isti broj primjera, a slično stoji i sa srpskohrvatskim refleksom poluglasa i sa drugim osobinama. Jedina izrazita inovacija koje nema u tekstu jevanđelja jest srpskohrvatsko *ć*, jer đerv u jevanđelju ima vrijednost *đ*, barem u poznatom tekstu.

Najizrazitija je promjena karaktera teksta u morfologiji, gdje se u jevanđelju još ponekad čuvaju i sasvim arhaični padežni oblici pridjeva i, naročito, participa, kao: Mt. XXVII ἑδιναγό (acc. sg. m.) 15, πραβεδнаго (gen. sg. m.) 24, ψρъквнаќ (nom. sg. f.) 51, неповинъноѹю (acc. sg. f.) 4, послѣднѧќ (nom. pl. n.) 65, те гѣдѣщѹюгѹ (dat. sg. m.) 19, вѣвающаќ (acc. pl. n.) 54, реченое (nom. sg. n.) 10, предавы (nom. sg. m.) 3, свезавкше (nom. pl. m.) 2, Mar. I остававъше (nom. pl. m.) 18 i sl., bez ijednog primjera novih srpskohrvatskih oblika u genitivu singulara muš. roda. No najevidentnija je razlika između teksta glosa i jevanđelja u glagolskoj sistemi. Ne samo da u glosama nema participa prezenta i preterita I u njihovim arhaičnim formama, čega je prepun jevanđeljski tekst, nego je i u prezentu gotovo preovladao sistem oblika narodnog jezika, dok u jevanđelju ima samo jedan primjer εγда зайде сљњице Mar. I, 32, ukoliko se i tu ne radi o aoristu, dok je, s druge strane, vjerovatno da je pisar jevanđelja stare asigmatske aoriste γνиду Mt. XXVII, 53, γжасу се Mar. I, 25, πриду Mar. I, 29 shvatao kao 3. l. pl. prezenta.

Što se tiče sintakse i leksičke, sam karakter jevanđeljskog teksta nameće veću konzervativnost, a i inače bosanska jevanđelja dosta vjerno prate najarhaičnija staroslavenska jevanđelja,³¹ u tekstu ovih nekoliko odlomaka ne mogu se ni očekivati veća odstupanja od crkvenoslavenske sintakse i leksičke jevanđeljskih tekstova. Sudeći na temelju svega izloženog, čini se da tekst glosa ukazuje na vjerovatno postojanje i trećeg književnojezičkog stila, rezerviranog za homiletičku literaturu i njoj srodne vrste, koji je već u jakoj mjeri infiltriran narodnim jezikom na svim jezičkim nivoima, tj. ne samo u fonetici nego i u sintaksi i leksici, i naročito, u morfologiji, pa se u tom pogledu približava jeziku svjetovne književnosti srednjovje-

³¹ V. o tom Grickat, I., o. c., str. 280—281, 290.

kovnog tipa, kao što je npr. Berlinska Aleksandrida. Osim toga, po jezičkim osobinama glosa može se približno odrediti i teren njihovog nastanka, to je najvjerovalnije srednjobosanski ijekavski teren, gdje su zasvjedočeni i najarhaičniji bosanski ijekavski govori sa dosta starinačkog stanovništva,³² a gdje su bili i centri stare bosanske države, pa, svakako, i njene crkve.

Z u s a m m e n f a s s u n g

DIE SPRACHLICHEN CHARAKTERISTIKA DER GLOSSEN IN DEM BOSNISCHEN EVANGELIUM AUS DER ERBSCHAFT VON SREĆKOVIĆ

Die Glossen des Evangeliums von Srećković, die als die sgn. »Fragen und Antworten« einem besonderen Typ der mittelalterlichen Literatur angehören und in diesem Sinne einen einmaligen Rest aus der alten bosnischen Literatur darstellen, hat Speranski im »Archiv für slavische Philologie«, Nr. 24 zusammen mit zwei Fragmenten von Srećkovićs Evangelium, die eigentlich nur Varianten zum Evangelium Nikoljanum sind, herausgegeben. Die Autorin dieser Arbeit hat die Sprache der Glossen, die nach Speranskis Auffassung in XV. oder sogar ins XVI. Jahrhundert zurückgehen, analysiert, wobei das Evangelium selbst nach der Datierung von Speranski aus dem XIV. Jahrhundert stammt.

Ohne Rücksicht auf die zeitliche Distanz weist die Sprache der Glossen im Vergleich zur Sprache des Evangeliums einige ziemlich bedeutende Unterschiede auf, die vor allem darin bestehen, daß viele Eigenschaften der VolksSprache in die Glossen eingedrungen sind. Im Bereich der Phonetik kommt das besonders klar zum Ausdruck, weil *v* durch ein *u* vollständig und die Halbvokale durch ein *a* in starkem Maße ersetzt worden sind. Noch häufiger sind die Eigenschaften der Volkssprache in die Morphologie eingedrungen und zwar in den verbalen Bereich, was verständlich ist, wenn man den Charakter des Textes berücksichtigt. Kirchenlawische Elemente sind im syntaktischen Bereich genauso selten anzutreffen wie im Wortschatz, wo der Anteil der kirchenlawischen Züge auf die dem kommentierten Text entnommene Phraseologie beschränkt ist.

Aufgrund der durchgeföhrten Analyse kommt die Autorin zum Schluß, daß in der Sprache der Glossen ein dritter literatursprachlicher Stil der homiletischen oder ihr ähnlichen Literatur innewohnt, und daß diese Glossen wahrscheinlich in dem mittelbosnischen ijekawischen Raum entstanden sind.

³² V. Brozović, D., O problemu ijekavskošćakavskog (istočnobosanskog) dijalekta, Hrvatski dijalektološki zbornik, knj. 2, Zagreb, 1966, str. 170. i d.